

也化十方諸靈大帝是賢也除此外不可尋也。天有九星人有九竅天有四時人有四大。天有地水火風人有心精氣身天有五剛地有五剛人有五剛天有三才人有三才丹陽問何名九星祖師答曰是北斗七元星左輔右弼二星名九星丹陽問何名九竅何者名為地有五剛祖師曰恒衡岱華嵩五嶽是也。人有五剛肝膽脾肺腎是也丹陽問何者天有四時春夏秋冬也人有四時四肢四大是也丹陽問何名天有地水火風人有地水火風師曰天有地水火風者金木水火土也。人有地水火風者心為火精為水氣為風身為土乃是地水火風也丹陽問天有三才日月星地有三才乙丙丁人有三才精神炁是也又曰眼為窓口為門戶心腎為日月除此一身之外不可外求丹陽問何名為抽添火候祖師答曰除一切塵垢一切雜念又神氣常存於本性不昧名曰添火候也丹陽曰何名為出家老君曰人能常清靜天地悉皆歸有功行修真之德者為出家丹陽問何名太

上七返師曰一者少言語養內炁二者戒心性養精炁三者薄滋味養血氣四者戒嗔怒養肺氣五者美飲食養胃氣六者少思慮養肝氣七者寡嗜慾養心氣是也徐神翁註但精神無惱唾少為中修行人也乃三教聖人之意凡人出家絕名棄利忘情去慾則心虛心虛則氣住氣住則神清神清則德合道生矣孔子曰仁義禮智信若修行之人仁者不棄義者不汙禮者不自高智者不爭信者不妄言金剛經云無諍三昧人中最為第一也。修行之人澄其心而神自清吾真人云心清意靜天堂路意亂心荒地獄門丹陽師云要知上天入地好弱由心孟子曰我善養吾浩然之氣故不動心太上云出家若不降心百年之後無得中處重陽真人云出家若不降心返接世緣道德損矣性命書云洗心對越乃萬物之根蒂經云心生則性滅心滅則性現也心滅者是實經云諸賢先求明心本是道道即是心心外無道道外無心也重陽真人授丹陽二十四訣

礪溪集序 友一  
王峯老人講經四十年緣深未斷丙午春演義易子條除之北郊有三仙者自隴山來謁我祇宮囊出一篇乃礪溪丘公長春舉揚玄諦開誘迷朋而作也啓緘閱焉其文康縱意出新奇蓋匪俗學所能知者昔王官李樂然與王峯俱出勤秀覺之門而李自顯悟玄言驚人非世才之所能窺既與序而傳之矣嘉我道之聰非世之聰也道之言非世之言也何以微之手俗學者雖能鼓頰搗毫不過歌詠情性搜遷景物至造理者明天人之際助聖賢之教亦可與日月爭懸若夫悟真之士持不斯然發無言之言上明造化彰無形之形下脫死生信手拈來不勞神思空嗜自震奮為雷霆本文不作煉成斗星王峯老人今於群仙而證之不求高而自高不期神而自神豈非一氣通徹六憲洞開動容無不妙出語總成真本來如是非假他通者邪如礪溪集云手握靈珠常奮華心開天籟不吹簫又云頂戴松花與松子松溪和月飲松風又云

編撮山頭三伏暑都教化作一團冰又云有無皆自定貪愛復何爲又云酒傾金露滑茶點玉芝香又詞云般般放下頭頭是選甚花街弄柳市虛空體本來一物無礙滯又云天下周游身不動人間照了心無用又云踏盡鐵鞋迷不出菴門透略舉二三數讀者當廣知也嗚呼今之仙緣必宿有仙契者乎昔在東菴與王風仙全真結緣在長安與馬丹陽結緣去秋澹州人來與譚仙結緣唯丘公遠處隴上是數者皆風仙之徒今悉得結其緣非人力之所能致也雖然丘仙之道豈爲吾而顯也蓋光輝之大世有不可掩者於是乎亦得與結緣焉時大定丙午歲五月日中條山王峯老人胡光謙序

蘭生深林不以無人而不香鶴鳴九皋自然有聞而及外高人勝士或幽棲窮處甘枯槁於山樊或混雜同塵肆沉淪於鄜市雖室邇而人遠覺心靜而地偏飄飄泛泛喻孤飛之雲不繫之舟隱起滅於丹青滄溟之際將何往而不自適耶加之玄元爲師秦和爲友遐

襟曠跡淵停谷虛做內觀之達人法勤行之上士修真養命累功及人間亦寄興言懷高吟大著邊皇人之紫筆演大洞之空歌文辭章句往往見於世焉是以蘭之吹香鶴之聲聞乎我俄國之今長春子丘公非斯人之徒歟而誰歟公本登州棲霞人與劉公諱公馬公俱圖學於終南王風子先生著名海上遠近敬仰號丘劉譚馬若古法或論所謂神仙道士若太上說養性得仙三十六法寂寞在人間者也門人弟子齋公所作詩曲雜文來

謁序引余素未遂觀止臨江之表而獲觀雄編嘉其恬淡閑逸縱凡儂俚無所拘礙若游戲於翰墨畦連外者不離不琢匪丹匪青土鼓晉梓之不求響奏玄酒大羹之不事味享知音知美其在斯乎唐蔣防稱靜福山廖冲曰仙書無文仙語無詞以心傳心天地不知放情逍遙今古爲誰予丘公復云時大定丁未長至日文林郎前太常博士兼校書郎雲騎尉致仕平陽毛鹿序且夫至道之妙不得以聲色求而不得以形

迹窺必賴至人爲馴致計摘章捕句俾得傳誦之歌詠之而漸能游聖域而造玄門者也然而句之警策文無淵底則烏可以歎艷當時而激勵後學者哉今見長春子丘公磻溪集片言隻字皆足以警擊替而洗塵囂也寧

非生而穎悟未弱冠而志于道不寐者餘四十載日記三千言身行萬里地三教九流貯蓄於胸臆照耀於神識故也宜乎聲馳丹闕有綸音之邀契偶真仙喜金鱗之得因知從重陽之役者無慮千百輩唯丘劉譚馬四公時爲秀出然翹翹之譽獨有歸焉適有舊友隴西公才道自東萊直抵奉城郡署懇求集序拜手而加穎者數四自知弓刀簿領之手不足爲形容髯鬚然稔慕風聲恨未披際沉李侯之來引繩不可把故讓之無計而勉書數字時秦和丙寅歲重午後一日昭義大將軍武定軍節度使兼奉聖州管内觀察使提舉常平倉護軍漆水郡開國侯食邑一千戶食實封一百戶移刺襄顯昔蒙莊者書三十三篇大率寓言藉以之論

後之談道者然以黜聰去羨願神養氣為本  
至於接物誘俗章頌釋教亦不免託默於語  
東州高士長春子丘公世居登之樓霞未冠  
一年游崑崙山遇重陽子王宮風一言而道  
合遂師事之王遺以詩有被余後後以綸線  
拽入蓬萊水自由其深入理窟可知已久之  
與同志馬公譚公劉公陪從重陽子游南京  
識者目丘劉譚馬為林下四友居無幾重陽  
子捐館四人護喪歸殯終南廬於墓次服除  
各議所之適惟公樂秦隴之風居磻溪廟六  
年龍門山七年旬食飲以度朝夕聲名籍甚  
大定戊申世宗皇帝聞之驛召至京師賜以  
冠巾條服見於便殿前後凡四進長短句以  
述修真之意上嘉歎焉及還山之後接物應  
俗隨宜答問有詩頌歌詞無慮若干首又直  
而理到信乎無欲觀妙深造自得者歟其徒  
哀為巨帙將杖木以資其傳賜文以冠篇首  
憑以謂古隱君子有三弊或自放草澤名往  
從之人主之尊猶物色而招訪或持峭行不  
屈於俗雖有所應終不可廢以物務使人人

想望風采或資橋薄而樂山林逃空虛而不  
返使天下常高其德不可加譬長春子兼而  
有之宜乎以野服承聖問使四方懷想而企  
慕焉非如放利之徒假隱自名欺愚誣謬為  
得計哉先生今在樓霞太虛觀未有承顏接  
膝之期所以序其崖略者庶他時邂逅不以  
我為生客泰和戊辰閏四月望日翰林學士  
中順大夫知制誥兼國子司業輕車都尉穎  
川縣開國伯食邑七百戶賜紫金魚袋安東  
陳大任序

磻溪集卷之一

樓霞長春子丘處機撰

七言律詩

秦川

秦川自古帝王州景色蒙籠瑞氣浮  
觸目山河俱秀發披瀝人物競風流  
十年苦志忘高卧萬里甘心作遠遊  
特縱孤雲來此地烟霞洞府習真修

磻溪

故人別後信天緣浪跡西遊住魏川  
宛轉風塵過萬里盤桓巖谷洵三年  
安貧只解同今日抱撲疇能繼古仙  
幸得清涼無垢地棲真且放日高眠

磻溪鑿長春洞

我義峻嶺接雲衢古栢參差一萬株  
瑞草不容凡客見靈禽唯只道人呼  
鑿開洞府群仙降鍊就丹砂百怪誅  
福地名山何處有長春即是小蓬壺

幽居

臺邊水谷尤清曠野外山家至寂寥  
絕塞雲



正一天師清微弟子洪  
道教學術資